

仲秋月

古水

壬辰年八月十五 / 2012-09-30



久不覺月皎如斯矣！自還家後，夜則賞桂花枝頭明月，日則品稻香田裏清風，生活好不愜意。今朝仲秋，自吾家樓臺遠眺石臼，見輝月流光，水天共色，喜不自禁，自度一體，喚曰《仲秋月》：

自負笈遼東，總清秋仲半，

令節良宵虛度，怕聽得、弦索聲斷，

冷霜一枝羌管。

最愛是金風，界陰雲吹散，

皎皎流光輕瀉，再抬頭、瓊宇銀漢，

仲秋月

玉盤幾回闕滿。